

# SAVJETI U VEZI NOVČANE NAKNAD ZA NJEGU!

Osiguranost osoba kojima je potrebna njega i njihovih srodnika je centralna tema u našem društvu. Briga i njega su povezane sa financijskim opterećenjima, bilo da ih nose ustanove za skrb i njegu ili porodice same.

Novac za njegu treba da osigura osobama kojima je potrebna njega nužnu brigu i pomoć, ne bi li mogli voditi što je moguće nezavisniji život okrenut sebi i svojim potrebama. Međutim, ukupni izdaci vezani uz njegu se tek dijelom mogu pokriti novcem dobivenim za istu.

Ovom brošuram Vam želimo u kratkoj formi odgovoriti na najvažnija pitanja vezana uz njegu. Dakako, naše ekspertice i eksperti Vam stoje na raspolaganju za sva pitanja.

Referada za prava iz oblasti socijalnog osiguranja od AK Salzburg (Radnička komora Salzburg) nudi svima zaposlenima obimnu savjetodavnu podršku, među ostalim i o novčanoj naknadi za njegu.

## ŠTA JE TO NOVČANA NAKNADA ZA NJEGU?

Novčana naknada za njegu treba da omogući osobama kojima je potrebna njega što je moguće više nezavisniji život. Novac za njegu je financijska pomoć za, npr. dodatnu kupovinu njegovateljskih usluga.

### Impressum:

Vlasnik medija i izdavač: Komora za radnike i namještenike za Salzburg, , 5020 Salzburg, Markus-Sittikus-Straße 10, www.ak-salzburg.at;  
Odgovorna za sadržaj: MMag.<sup>a</sup> Dr.<sup>in</sup> Eva Stöckl;  
Izgled: Ursula Brandecker;  
Izvor slika: Fotolia;  
Štampa: Sebi za dupliranje;  
Izdanje: 1/2018

## KO DOBIVA NOVČANU NAKNADU ZA NJEGU?

Da biste mogli da primete novac za njegu, moraju biti ispunjeni sljedeći uslovi:

- Fizička, duševna ili psihička ometenost ili senzorna oštećenost
- Trajna potreba za njegom u trajanju od najmanje 6 mjeseci
- Vremenski utrošak na brigu i njegu od više od 65 sati

## KOLIKI JE IZNOS NOVČANE NAKNADE ZA NJEGU?

Novac za njegu nije vezan uz primanja i imovinu, a klasificira se na sedam razreda. Dobiva se 12 puta godišnje s mjesečnim isplatama. Visina naknade za njegu određuje se prema utrošku vremena za njegu ili prema vrsti invaliditeta (npr. posebno klasificiranje za osobe oštećena vida). Novčana naknada za njegu predstavlja samo doprinos mjesečnim troškovima za njegu, a koji su u pravilu viši od same naknade za njegu.

## KAKO SE UTVRĐUJE MJESEČNA POTREBA ZA NJEGOM?

Novac za njegu se dodjeljuje tada, kada je za vršenje određenih radnji potrebna pomoć, odnosno briga.

**Vršenje pomaganja** je: odlazak u kupovinu, čišćenje stana, pranje veša, loženje peći i pomoć oko kretanja, odnosno mobilnosti (npr. posjet doktoru). Za ove djelatnosti se računa fiksno 10 sati, nezavisno od toga da li neko treba manje ili više vremena za njihovo obavljanje.

**Mjere zbrinjavanja** su oblačenje i svlačenje, kuhanje, hranjenje, davanje lijekova, fizička higijena, obavljanje nužde i kretanje unutar stana. Za sve ove djelatnosti su postavljene vremenske vrijednosti, koje u pojedinim slučajevima takođe mogu da budu prekoračene ili ne budu dosegnute.

Za određene grupe osoba su postavljene minimalne klasifikacije, npr. za slijepe osobe ili osobe koje uz pomoć kolica mogu da vode samostalan život.

Razred	Mjesečan iznos naknade za njegu	Prosječna mjesečna potreba za njegom, više od
<b>Razred 1</b>	€ 157,30	<b>65 sati</b>
<b>Razred 2</b>	€ 290,00	<b>95 sati</b>
<b>Razred 3</b>	€ 451,80	<b>120 sati</b>
<b>Razred 4</b>	€ 677,60	<b>160 sati</b>
<b>Razred 5</b>	€ 920,30	<b>180 sati + izuzetna potreba za njegom (stalna pripravnost jedne osobe njegovatelja)</b>
<b>Razred 6</b>	€ 1.285,20	<b>180 sati + vremenski nekoordinirane mjere zbrinjavanja ili potrebna stalna nazočnost jedne osobe njegovatelja</b>
<b>Razred 7</b>	€ 1.688,90	<b>180 sati + nemogućnost izvođenja ciljanih pokreta sa svim ekstremitetima</b>

## DA LI DJECA I MLADI DOBIVAJU NOVČANU NAKNADU ZA NJEGU?

Za primanje naknade na njegu ne postoji starosna granica. Doduše, za djecu i mladež se uzima u obzir samo ona potreba za njegom, koja prelazi obim uobičajene njege djeteta istog uzrasta a bez invaliditeta. Na primjer, kako 6-ogodišnje dijete još ne može samo kuhati, tako se niti ne može koristiti ta vrsta usluživanja.

## KADA SE DOBIVA DODATAK ZA POSEBNE TEŠKOĆE?

Za ljude sa teškim duševnim ili psihičkim smetnjama (posebno dementivna oboljenja) postoji mogućnost dobivanja dodatka za posebne teškoće u iznosu od 25 sati. Za najteže pogođenu djecu i mlade postoji, zavisno o dobi, dodatak za posebne teškoće u iznosu od 50, odnosno 75 sati.

## KAKO DOĆI DO NOVČANE NAKNADE ZA NJEGU?

Za novčanu naknadu za njegu se podnosi zahtjev. Zahtjev se podnosi kod nadležnog nosioca osiguranja, a to je ona ustanova koja je zadužena i za isplatu renti i penzija. Osobe, koje ne primaju niti rentu niti penziju, podnose zahtjev kod Zavoda za penzijsko osiguranje (Pensionsversicherungsanstalt).

Vještaci utvrđuju putem stručnog mišljenja, a u okviru pregleda, potrebu za njegom. Nakon toga se izdaje pismeno rješenje, kojim se izvještava koji se nivo njege dodjeljuje. Novac za njegu se odobrava od početka sljedećeg mjeseca od podnošenja zahtjeva. U pravilu se novac za njegu odobrava na neograničeno.

## ŠTA MOGU PODUZETI AKO MI ZAHTJEV BUDE ODBIJEN?

Ko nije zadovoljan sa odlukom, može unutar tri mjeseca pred Sudom za radno-socijalnesporove putem tužbe zatražiti preispitivanje odluke. Podnošenje takve tužbe ne nosi nikakve troškove.

## ŠTA MOGU UČINITI, AKO MI SE ZDRAVSTVENO STANJE POGORŠA?

Ako se poveća potreba za njegom, u svako se vrijeme može podnijeti zahtjev za povećanjem naknade kod odnosnog nosioca osiguranja.

## DA LI IMAM PRAVO NA NOVAC ZA NJEGU AKO SE NALAZIM U STARAČKOM DOMU

Ako se sa novcem za njegu, penzijom i ostalim primanjima mogu platiti ukupni troškovi staračkog doma, tada se novčana naknada za njegu isplaćuje u nepromijenjenom iznosu. Međutim, često novac za njegu i penzija nisu dovoljni za pokrivanje troškova smještaja u domu. U tom slučaju se 80 % penzije (20 % ostaje kao džeparac korisniku) i novac za njegu namjenjuju plaćanju doma, a socijalna pomoć pod određenim uslovima snosi ostatak troškova. Od novčane naknade za njegu ostaje džeparac u visini od 10 % od nivoa 3 (45,18 Euro).



- Informirajte se o svojim pravima!
- Podnesite pravovremeno zahtjev za novčanom naknadom za njegu!
- Podignite odmah pismene pošiljke na pošti, kako Vam nebi istekli rokovi.
- Obavezno se posavjetujte o sadržaju i točnosti rješenja, jer se nakon isteka roka odluke više ne mogu sporiti!
- Vodite sami ili neko od Vaše porodice bilješke o Vašoj brizi i negovanju. One služe preciznijem određivanju Vašeg razreda potrebne njege i može spriječiti duge sudske postupke!

## OBRATITE NAM SE

PON-PET 8.00 – 12.30 sati  
SRI 13.30 – 16.00 sati

T: +43 (0)662 86 87-89  
sozialversicherung@ak-salzburg.at  
Molimo Vas da prije zakažete termin.



www.ak-salzburg.at

# PRAVEDNOST JE NUŽNA

ODGOVORI NA  
NAJVAŽNIJA PITANJA



**AK**

**SALZBURG**

GERECHTIGKEIT MUSS SEIN

■ Ova usluga je moguća zahvaljujući doprinosima za AK